

vor unserm herrn von Kingsprunn und dem pfarrer von Stainhain, her Veiten, herrn Haymbranden, conventherren, das ir ietlicher järlichen und ains jeden jars sol geben und verhirtenlonen fünf schwein er habs oder nit und was er erzücht ob seinem trog, die mag er ach da lassen gon und von innen allen essen und hirtenlon 5 geben one abgang.

Item mer ist gemacht worden uf den selbigen tag for unserm herren von Kingsprunnen wie obstett ob ain eker wurde über kurz oder lang, so sol kain paur zü Sünthain mer dan 20 schwein in das eker kaüfen, ob sy aber schwein wollten hinnein nemen, so 10 sollen sy das samentlich mit ain andern thon mit ainer ganzen gemaynd willen und wyssen und das gelt sol der gemaynd werden von den schweinen und deß dorfs und flecken nütz darmit geschafft werden mit dem gelt.

Item mer ist gemacht worden auf den tag wie obstet, das 15 ain yettlicher paür der da sytzt zü Sünthain heslerlon sol geben ach zechen, er trib seinü pferd aüs oder nit und was ainer von rossen hette oder haben würde, das nit taugenlich sünder schedlich under den hessen were, das sol er in seinem stall behalten den leüten one schaden und sol davon geben halben hessleron 20 und darf dervon nit zechen, so es schedlich ist und man se nit tribt, aber halb hessleron sol er geben und die zwen füermann sollen erkennen, ob dieselbigen schedlichen roß tribig seyen oder nit under die hoss onegevärlich.

Item weyter ist gemacht worden uff disen tag wie obstet, 25 welher kelber hette, die for Sant Bartholomeustag kürz oder lang gefielen, die selben kelber sollen Sant Jorgentag nechst der nach ganz hirtenlon geben man tribs oder tribs nit.

Item hette aber ainer kelber, die er nit fürschieg, so sol ers schlagen uf prách und nit in den paünen esch und ob ainer 30 kelber überkem nach Sant Bartholomeustag, so mag er sy tryben oder nit one verhirtenlonnat, doch soll er keß davon geben oder essen.

Item weyter welher fich wintert, der sol aüf den sommer hirtenlon davon geben, welt er es aüf ain andrü wayd schlagen 35 und ob er es wolt verkaefen und das wider nemen aüf den winter hin nemen der selbig sol der herschaft 1 gulden geben one gnad one ablessig.

Item ob aüch die fuerlüt etwas pieten von der gemäynd wegen und das selbig nit gehalten würde, sünder das verbott 40